

貴州通志

貴州通志

貴州通志修輯官員

總裁

少保兵部尚書總督雲貴廣西三省今陞大學士伯

臣鄂爾泰

兵部尚書總督雲貴廣西三省兼都察院右副都御史今陞川陝總督

臣尹繼善

巡撫貴州兼都察院右副都御史今甘肅寧夏慶蘭巡撫

臣元展成

署貴州總督巡撫雲南兼都察院右副都御史

臣張允隨

總督貴州兼管巡撫事務都右侍郎兼都察院右副都御史

臣張廣泗

監修

提督貴州全省學政陞江蘇布政使司布政使

臣晏斯盛

提督貴州全省學政雲南道監察御史

臣鄒一桂

督修

等

宣市

貴州等處承宣布政使司布政使今陞總漕臣常安

貴州等處承宣布政使司布政使陞湖南巡撫臣馮光裕

署貴州等處承宣布政使司布政使臣陳惠榮

貴州等處提刑按察使司按察使今陞廣西巡撫臣方顯

署貴州等處提刑按察使司按察使臣宋厚

督理貴州清軍糧驛傳道事務按察司副使臣錢元昌

分巡貴西道按察使司副使臣介錫周

分巡貴東道按察使司副使臣王玠

署分巡兵備道按察使司副使臣徐永祐

采輯

貴陽府知府臣甘士秀

思

州

府

知

府

臣

史步高

思

南

府

知

府

臣

孔傳堂

鎮

遠

府

知

府

臣

趙之壇

石

阡

府

知

府

臣

杜理

銅

仁

府

知

府

臣

姚謙

黎

平

府

知

府

臣

孫紹武

安

順

府

知

府

臣

崔傑

南

籠

府

知

府

臣

楊滙

都

勻

府

知

府

臣

曾朝聘

平

越

府

知

府

臣

孟周衡

大

定

府

知

府

臣

牛天申

遵義府知府臣陳玉璧

纂修

翰林院庶吉士原署姚州知州臣靖道謨

原任仁懷縣知縣臣杜詮

分修

原任遵義縣知縣臣梁學新

原任錦屏縣知縣臣廖貞

畢節縣知縣臣謝國史

施秉縣知縣臣董良材

原任甕安縣知縣臣張荃

原署水城通判臣王雲

原任畢節縣知縣臣葛荃

原任餘慶縣知縣臣蘇大忠

原任錦屏縣知縣臣呂賡雅

原任龍泉縣知縣臣樊仲琇

原任南寧縣知縣臣王樸

歲貢生候選訓導臣李專

監刻

貴筑縣知縣臣彭居仁

校封

援貢生候選教諭臣姜文澤

貴州通志凡例

一貴州舊志爲綱三十二以類附見者十二如關
梁附見於山川郵傳附見於城池義類殊未妥協
今列天文地理等入綱用統眾目以類相從似覺
有條不紊
一舊志輿圖之說止載全省總圖各府俱缺今黔
省幅輳割楚蜀粵西府州縣衛以附益之漸爲恢
擴因推廣舊志之意每圖各係以說
一建置舊志載在大事考所序太略粵稽上古黔
雖不通中國自唐宋以來所置羈縻州縣頗有沿
革可考今悉據歷代地理志補入

華疆域舊志止有東西南北四至而無四隅考建
置郡邑大牙相入者甚多詳列四隅所以正經界
也今悉爲補入

一山川舊志方向先後無一定次第今倣一統志
體例先城內次城外先東次東南次南次西南次
西次西北次北次東北俱先近而後遠其山水之
名亦分先後以類相從凡山先山次峯嶺岡坡次
巖崖石壁次塍坪阪原次園箐谷洞逕其名不經
見者俱次於後若一山中又有坡嶺巖洞者卽連
而及之不另爲類凡水先江次河海次川湖灘溪
貴州次澗潭水泉次洲渚峽洪次灣泊池塘次堰陂壩

開渠溝井其名不經見者倣山例
一古蹟如廢城古戍之類必須注明在城何方去
城遠近庶有蹟可考今從各府州縣志冊及明一
統志續文獻通考諸書參考互訂得其方向者十
之五六備列於前其無可考者彙載於末以俟博
識者

一苗蠻種類雖夥其形狀服食究亦相去不遠舊
志每種各繪一圖似轉覺支離不如刪去蓋其性
情風俗備於紀載不必按圖而考索也

一風俗原與教化移易黔自元以前本屬苗徼自
明以後始漸被文明然前此椎結侏儻之俗固不

可沒也因考漢唐宋以來西南夷南詔各傳中有屬在黔地者書之於前庶有原委
一學校舊志附載樂儀夫黔之有志以志黔事也
若

聖朝禮樂乃天下所同固可不載其各府州縣義學俱註明建於何地以補舊志之略

一田賦舊額新墾歷年各異今照乾隆四年徵收賦役開載其省府總數及州縣細數一一詳書至苗疆屯田類附於後以備查考

一黔省財賦無多經費嘗仰給外省查舊志惟兵餉一項載在兵防驛站工食載在郵傳然官役俸

工師生餽廩鞭春祭祀之屬既皆著於令甲不宜
缺而不書今設經費一門以免遺漏

一周禮地官之屬遺人掌邦之委積以待施惠卽
今常平倉之遺法我

國家令天下直省府州縣皆設立義倉以備荒歉誠
重積貯以厚民生之至意今黔省各府州縣皆有
積貯而舊志獨不載殊爲缺然特爲補入

一物產舊志於貴陽首府列通產於前專產於後
而間見雜出未免眉目不清今以通產盡列於前
方列專產於後其通產專產次序首穀次蔬次貨
次果次藥次草次花木次羽毛鱗介各府俱照此

彙編以免參差

一職官舊志文自知縣以上武自副將以上方錄
今因之

一名宦與鄉賢俱祀於學宮載在祀典近奉

特旨慎重查核去留皆有冊籍今將前朝中已載舊志
者照舊載入其舊志所遺而郭青螺黔記及各省
通志所載鄉賢而宦於黔與各宦而黔籍者悉爲
補入至於

國朝名宦惟以冊爲據冊所不收及冊所汰去者雖
載舊志亦不敢收入

一黔省自明世設立衛所多以土人爲流官

如指揮手

戶之類

其有政績者或入名宦或入鄉賢須有一定

之例舊志未加分晰如同一千戶也貴筑朱暹陳

銳則入人物龍里并孚則入名宦同一威清指揮

也張貴張晟則入人物楊遵則入名宦不特此也

一毛勝也既入名宦又入人物張信亦然一并孚

吳德也既入名宦又入忠烈錯雜重複如此類者

難以悉數竊意名宦當以官爲主人物當以地爲

主以土人爲土官

如宣慰宣撫長官司土同知通判之類

有功於其

土著則列之人物以土人爲流官有功於其土及

隣郡縣者則列之名宦其已見者卽不復重書似

爲清晰

一黔省自明世始設流官故載在各宦者惟明最
多舊志雖以年代爲次然文武錯列崇卑無序今
倣職官例文武分編以官職憲綱爲序其中仍各
照年代編次土官
一黔省未立郡縣以前皆土司也旣設郡縣後屢
勤征討者亦土司也舊志止載現在承襲者一人
未免太畧今照承襲之冊詳書其世系卽已革除
者亦取其始末書之以備查考而水西安氏播州
楊氏其爲害尤鉅詳其本末附於後

一大事考一門諸志所無昉於郭青螺黔記其中
所載卽兵防田賦職官中諸事若詳載則嫌於重

複簡截又苦於漏遺今將所載事蹟分入各門中
惟土司苗蠻爲黔惠之最鉅自殷宗伐鬼方三年
乃克嗣後尋於干戈以行征討無代無之今設師
旅考一門附於武備志之內其中或剪除於未萌
或招徠懷服不煩撻伐者悉記之蓋上兵伐謀與
不戰而屈人之兵皆師旅中善之善者也

一舊志無鄉賢名目蓋卽以人物爲鄉賢也不知
孝義勇烈隱逸之士孰非人物乎卽外來流寓方
外仙釋之屬皆人物之選也今立人物爲綱以統
鄉賢孝義諸目

一舊志設勇烈一門凡流官及土人死事者俱載

其內禮曰聖人之制祭祀也以死勤事則祀之能
死其官卽不愧名宦之目不必別以烈名且烈者
必勇而忠實烈之本也今易勇烈曰忠烈凡士人
之有爵位而能死事者悉載焉其士庶人之致命
遂志者則列之孝義國於天地必有與立忠臣義
士所以爲天地扶植綱常者故居宦蹟文學之前
一冊中汰去之鄉賢亦有歷官頗著聲稱因無功
德於鄉里而去之者然宦轍所至政績可紀馳聲
藝苑掞藻天庭雖無德於鄉未始不足增鄉邑之
色若竟擯置不錄是反不如小道之方技異端之
曲釋得以有傳也今設宦蹟文學二門爲人物之